

Vnd jm ouch heiffen inn der not/
Dem wünsch man allen tag den dot
Vnd wurt gar bald eyn über last
Den kynden syn / eyn vnwert gast
Soch jm geschicht wol halber recht
Worlich ist er an wytzen schlächt
Das er mit wortten jm loßt klusen
Des soll man jm mit kolben lusen
Soch lebt der selb nit lang vff erdt
Wem vatter / müter synt vnwerdt /
Inn mit der vinsten / lescht des lyecht
Wer vatter / vnd müter ert nycht
An sym vatter bschuldt Absolon
Das inn solt vnglück jung an gon
Des gleichen wart verflüchet Cham
So er entbloßt syns vatters scham /
Balthesar hatt nit vil glück
Das er syn vatter hüw inn stück /
Sennacherib von syn sünen starb
Ir keyner doch das rich erwarb
Thobias gab sym sün die ler
Er solt syn müter han in ere
Dar vmb stund künig Salomon
Synr müter vff / von synem tron
Als Corylaus ouch hat gthon
Die sün Rechab / lobt selber gott
Das sie hieltten jrs vatters gbott /
Wer leben will spricht gott der herr
Der büt vatter / vnd müter ere
So würt er alt / vnd richen sere

